

能使之災聲色利欲不能使之亂豈不曰強乎
物壯則老是謂不道不道早已

碧虛子陳景元曰夫物之壯也必至乎枯老心之強也必至
於凶暴且道以柔弱爲用今以強壯爲心者謂之不道已止
也死也言不行道者早死也已

穎濱蘇轍曰益生使氣不能聽其自然日入於剛強而老從
之則失其赤子之性矣

臨川王安石曰惟道則先於天地而不爲壯長於上古而不
爲老

道真仁靜先生曹道冲曰雖欲不止如何哉

道藏輯要

道德真經
彭鶴林集註

章

心集七
川字川

葉夢得曰是以己之亦貴乎早也

黃茂材曰壯而老老而已在物莫不然若知道者可與天地
相爲終始豈有已乎

知者不言章第五十六

知者不言言者不知塞其兌閉其門挫其銳解其紛和其光同
其塵是謂立同

御註曰道無問問無應知道者默而識之無所事言齧缺問
於王倪所以四問而四不知多言數窮離道遠矣

碧虛子陳景元曰莊子曰知北游於立水之上登隱斧之邱
而適遭無爲謂焉知謂無爲謂曰子欲有問乎若何思何慮

則知道何處何服則安道何從何道則得道三問而無爲謂不答也非不答不知答也知不得問反於白水之南登狐闕之上而覩狂屈焉知以之言也問乎狂屈狂屈曰唉予知之將語若中欲言而忘其所欲言知不得問反於帝宮見黃帝而問焉黃帝曰無思無慮始知道無處無服始安道無從無道始得道知問黃帝曰我與若知之彼與彼不知也其孰是耶帝曰彼無爲謂真是也狂屈似之我與知終不近也

潁濱蘇轍曰道非言說亦不離言說然能知者未必言能言者未必知唯塞兌閉門以杜其外挫銳解紛和光同塵以治其內默然不言而與道同

道藏輯要

道德真經
彭鶴林集註

重

心集七
XII

臨川王安石曰挫其銳同其塵此文兩見蓋道德莫不皆知此

道真仁靜先生曹道沖曰契理則忘言雖言而不能行與不知道何異兌口也緘口默行不須說也三要七竅爲身之門戶自內其散失者神氣精血機情好惡自外而入者緣境聲色滋味寒暑所失者真所入者假故閉其門也彼方爲光顯沮之則爲怨俱與和之於己何損彼方塵垢外之則不樂故至人韜光隱德暫與同之於身何澆立者隱密不顯不自飾智矜俗獨異於眾

清源子劉驥曰天地有大美而不言四時有明法而不議萬

物有成理而不說聖人行不言之教譬如知音者識音以絃心知其音口不能傳道深微妙知者不言不知道者以言相煩多言數窮去道遠矣善爲道者默而識之性以成之塞其兌則收視反聽閉其門則形全精復挫其銳則歸精神乎無始解其紛則體純素而不雜和其光則含光不耀同其塵則大同無已夫如是則與天同心而無知與道同身而無體是謂立同豈拘拘然自投於親疎利害貴賤之間哉

程大昌曰塞兌閉門不使眾人得見其經歷出入之地也挫銳解紛平夷而簡易也和光同塵則能降已齊物矣凡爲此皆求至乎渾兮其若濁者也彼我一觀高下無別是之謂同

道藏輯要

道德真經
彭鶴林集註

重

心集七
八四三

同之上加元焉深而又深侶鷗羣獸幾微更不外見又諸家釋兌皆本易之兌悅爲義恐不然也詩曰行道兌矣毛氏曰兌成蹊也成蹊者孟子謂山間之蹊介然用之而成路者是也其讀如稅

不可得而親不可得而疎不可得而利不可得而害不可得而貴不可得而賤故爲天下貴

御註曰世之人愛惡相攻而有戚疎之態情僞相感而有利害之見用舍相權而有貴賤之分反覆更代未始有極奚足爲天下貴

碧虛子陳景元曰上交於道而不諂舉世譽之而不勸故不

可得而親暱也下交於器而不瀆舉世非之而不沮故不可得而疎隔也澹泊無欲守分知足故不可得而利誘也處卑不辱在醜不爭故不可得而陷害也爵祿不能汙權勢不能動故不可得而貴寵也矢志不屈居貧愈安故不可得而賤鄙也夫至人行此六行不榮通不醜窮無天怨無人非無物累無鬼責故爲天下貴

頴濱蘇轍曰可得而親則可得而疎可得而利則可得而害

可得而貴則可得而賤體道者均覆萬物而孰爲親疎等觀逆順而孰爲利害不知榮辱而孰爲貴賤情計之所不及此所以爲天下貴也

道藏輯要

道德真經
彭鶴林集註

重

心集七
八四八

陸佃曰神人者不卽不離無縛無脫故不可得而親疎不生不滅無取無舍故不可得而利害不損不益無得無失故不可得而貴賤夫惟如此故能無對於物旁日月挾宇宙天地爲一官萬物爲一府其緒餘足以爲天下國家其土苴足以治天下其糠粃塵垢足以陶鑄堯舜而天下之物豈復有加哉故曰爲天下貴

道真仁靜先生曹道冲曰未嘗與物交焉能親也不使欲厭焉能疎也不妄求取焉能利也不犯禁忌焉能害也不取榮盛焉能貴也不處卑猥焉能賤也

陳象古曰親疎利害貴賤世之所重眾人之所分別者也大

道所在名非常名不可見其形不可聞其聲况可得而親疎利害貴賤乎

黃茂材曰孔子曰吾觀老子其猶龍乎夫龍豈可得而親之疎之利之害之貴之賤之者乎既曰不可得而貴又曰爲天下貴何也蓋亦自貴而已經曰知我者希則我貴矣

以正治國章第五十七

以正治國以奇用兵以無事取天下吾何以知其然哉

御註曰正者道之常奇者道之變無事者道之真國以正定兵以奇勝道之真無容私焉順物自然而天下治矣

碧虛子陳景元曰其然猶如是也老氏自設問答言我何以

道藏輯要

道德真經
彭鶴林集註

壽

心集七
六一上

知天人之意如是哉謂下文也

頴濱蘇轍曰古之聖人柔遠能邇無意於用兵唯不得已然後有征伐之事故以治國爲正用兵爲奇雖然此亦未足以取天下天下神器不可爲也爲者敗之執者失之唯體道者廓然無事雖不取天下而天下歸之矣

葉夢得曰物各有所當治國者必以正用兵者必以奇國以奇治之則亂兵詭道用之以正亦未免於敗然聖人之奇豈若後世之詐哉敵至而爲之所是以其變不窮

黃茂材曰夫道無爲而無不爲正也奇也無事也非知道者孰能之推而治國用兵取天下特其緒餘土苴耳古之人有